

Pertandingan Bola Tampar Piala Tun Mustapha UMS 2019

UB 7-3: 2019 B2

KOTA KINABALU: Exco Sukan dan Rekreasi Kolej Kediaman Tun Mustapha Universiti Malaysia Sabah (UMS) dengan kerjasama Pusat Sukan UMS mengadakan Program Pertandingan Bola Tampar Piala Tun Mustapha UMS 2019 pada 2 dan 3 Mac 2019 bertempat di Gelanggang Arena Bola Tampar, UMS.

Program yang bertemakan 'Teamwork Divides The Task and Multiplies The Success' ini dianjurkan bertujuan melahirkan mahasiswa UMS

yang berkebolehan dan seimbang dari segi intelek, rohani dan jasmani.

Pada masa yang sama, mahasiswa juga didedahkan dengan cara penganjuran sesuatu program. Dengan adanya program seperti ini, masyarakat yang cergas dan berminda cerdas juga dapat dibentuk.

Program ini dilaksanakan bukan hanya kepada mahasiswa UMS sahaja namun juga terbuka untuk orang awam. Seramai 150 orang peserta terlibat dalam

program ini iaitu sebanyak empat pasukan terdiri daripada mahasiswa UMS dan sembilan peserta adalah daripada orang awam.

Program ini dimeriahkan dengan kesungguhan para pemain yang tidak berputus asa dan pasukan yang terdiri dalam kalangan mahasiswa UMS juga memberikan saingan yang hebat pada pasukan awam.

Hal ini secara tidak langsung telah mencapai objektif utama program dilaksanakan iaitu mencungkil bakat mahasiswa

UMS dan melahirkan mahasiswa yang berdayasaing dalam sukan bola tampar.

Program ini berjalan dengan lancar hasil daripada komitmen serta kerjasama daripada semua pihak yang terlibat.

Tempat pertama bagi Pertandingan Bola Tampar Piala Tun Mustapha UMS 2019 disandang oleh pasukan ILPKK dan tempat kedua pula disandang oleh Panji Junior seterusnya tempat ketiga pula disandang oleh pasukan daripada pasukan



MAJLIS penutupan Pertandingan Bola Tampar Kolej Kediaman Tun Mustapha 2019.

UMS iaitu Pasukan Kolej Kediaman Tun Fuad.

Program ini secara keseluruhannya dilihat mendapat sambutan

dan maklum balas yang memberangsangkan dan dengan harapan dapat dilaksanakan setiap tahun untuk mencungkil bakat

dalam kalangan peserta serta membentuk masyarakat yang sihat, bersatu padu dan seimbang dari pelbagai aspek.